

Te whakarewatanga o ngā Kauhau Whakamiramira hei whakaruruhau i te Mātauranga Māori

I whakarewatia e Te Whare Wānanga o Awanuiārangi ngā kauhau mō te mātauranga Māori i hopukina ki runga i ngā mīhini hopu kōrero, i tētahi huihuinga i te Mārae o Te Manuka Tūtahi i tērā wiki. Neke atu i te 100 ngā iwi me ngā kaihautū pākihi, ngā mema o Te Mana Whakahaere o Awanuiārangi me ngā kaimahi, i reira ki te whakanui i te whakarewatanga o ngā kauhau.

Ko ngā kauhau e kōrero ana mo te mātauranga i rangahautia mai i ngā wheako o ngā tohunga Māori me ngā pukenga. Ko ngā kaikoha mai tae atu ki ngā mema o Te Mana Whakahaere o Awanuiārangi, Te Tūmuaki me ngā kaimahi matua. Ko te ingoa ko Tā Hirini Moko Mead Lecture Series of Te Whare Wānanga o Awanuiārangi – Ngā Kauhau Whakamiramira i te mātauranga Māori a Te Whare Wānanga o Awanuiārangi: Rārangi Tuatahi.

I tana kauhau whakatuwhera, i whakamārama a Tā Hirini, kua piki ake te aronga ki te mātauranga Māori.

“He whai tikanga kia tohatohatia tō tātou mātauranga, kia mārama ai ngā tāngata he aha tērā, ana ko tētahi o ngā huarahi e tāea ai te whakatinana, ma te whakarewa i tēnei rārangi o ngā kauhau 13.”

I mihia a Tā Hirini e Te Tūru o Te Mana Whakahaere o Awanuiārangi, a Hōnore Kaiwhakawā Mātāmua Layne Harvey, mo ana mahi whakaohoho.

“He hōnore nui i tonoa mai ahau kia whai wāhi atu me te mea ano he rauemi nui ngā kauhau nei ma te iwi. Kei te tino mōhio ahau he rārangi tuarua atu anō, otira, he rārangi tuatoru kei te haeremai, no reira he mea nui tēnei hei titiro atu i ngā rā e heke mai nei.

“Ko te whakareinga, te whakaū, me te tiakitanga, te pūtake o te mātauranga Māori mō ngā rēanga o ināianei tae atu ki ngā whakatipuranga e piki ake ana, he whai tikanga. Ahakoa te iti, he whakatinana tēnei rārangi i te tīmatanga o te hātepe whai mana mo Awanuiārangi.”

I hangaia ngā Kauhau Whakamiramira hei whakatairangi i te māramatanga o te ahurea-huapae, whakatorotoro kōrerorero, me te whakaohoho i te whakahou o te honotanga ki te mātauranga Māori.